



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De Episcopo, qui leprosi nares lingens, gemmam decidentem susceperit,
cap. 32.

urn:nbn:de:hbz:466:1-13177

minus quandoque species leproforū assumat, sequētia declarant exempla.

CAPVT XXXI.

*Apparet
Christus
in specie
leprosi.*

** l. 2. c. 5.
et l. 4. c. 3.*

Nobilissimus quidam princeps Theobaldus, Comes Campaniæ, de cuius operibus misericordiæ in * vita sancti Bernardi Abbatis Claræuallis mira leguntur, tantæ humilitatis erat, vt etiam præsentialiter tuguria leproforū visitaret: adhuc viuunt, qui illum in carne viderunt. Habebat autem ante quoddam suum castrum leprosum quendam manentem, ante cuius domunculam quotiens eum contigit transire, de equo descendit, & ad illum intrans, postquam pedes eius lauit, eleemosynam dedit, & abiit. Post breue tempus, idem leprosus Comite ignorante defunctus est, & sepultus. Die quadam Comes iterum via illa transiens, mox vt ante tuguriū sibi notum venit, descendit, dicens: Oportet me visitare patrem meum, intransque, non leprosum, sed in leprosi forma & habitu cōtemplatus est Dominum, cui cum consueta opera misericordiæ impendisset, & tanto deuotius, quanto inspirabatur a visitato fortius, hilaris exiuit, cumque suis dixisset, gaudeo me videre leprosum meum: responderunt ei quidam; Domine, sciat is eum pro certo dudum esse defunctum, & in tali loco sepultum. Quod vbi comperit Princeps piissimus, exultauit in spiritu, eo quod videre ei que ministrare meruerit præsentialiter, quem multo tempore in suis membris veneratus est. Vt autē Dominus IESVS tantam humilitatem tanti Principis etiam in præsentem remuneraret, & vt verba sua vera ostenderet, quæ dixerat: Quicquid vni ex minimis meis fecistis, mihi fecistis, se illi exhibere dignatus est. Audi aliam visionem, ista adhuc excellentiorem.

Matt. 25

CAPVT XXXII.

EO tempore, quo heresis Albiensium pullulare cepit, contigisse dicitur quod narro. Erat in regno Francorum Episcopus quidam ætate iuuenis, sed magna religionis: nominis eius siue diocesis eius non memini. Hic tantæ fuit pietatis, misericordiæ, ac hu-

milli.

militatis, vt equitans in via, neminem leprosum sibi
 occurrentium sine eleemosyna præteriret; sæpe etiam
 de equo descendit, & petentes præueniens, nummis
 manibus illorum, tanquam CHRISTI gazophila-
 cio immisis, atq; deosculatis, iterum ascendit, & pro-
 cessit. Die quadam, dum per stratam publicam incede-
 ret, leprosus quidã secus viam stans in agro, voce rau-
 cissima, vt sui misereretur clamauit, eratque aspectus
 eius tam horridus, & quasi a lepra tam corrosus, vt o-
 culus humanus non sine cruciatu illum inspicere pos-
 set; quem vt sanctus Episcopus vidit, misericordia mo-
 tus, mox de equo ruit, & ad illum currês, obtulit ele-
 mosynam. Ad quem leprosus: Non sunt mihi neces-
 sarii nummi tui, cui cum Episcopus respõderet; Quid
 ergo vis vt faciam tibi? ille subjunxit: Vt putredinem
 huius infirmitatis meæ abstergas, digito ostendês ca-
 runculam de naribus pendentem, magni horroris at-
 que fœtoris: quam cum vir beatus, Christi amore suc-
 census, manu tergeret, clamauit ille dicens: Cessa, ces-
 sa, asperitatem digitorum tuorum tolerare nõ valeo.
 Cumque adhiberet partem camisæ suæ, quæ de pan-
 no erat satis subtili, simili clamore prohibitus est.
 Tunc Episcopus: Si pati non potes manum, si non pã-
 num delicatum, vnde vis vt abstergatur? respondit le-
 profus: Nihil aliud patiar, præter linctionem linguæ
 tuæ. Mox ad illud verbum lucta nõ modica oriri cœ-
 pit in corde Põtificis, inter gratiã & naturã: illa vt fie-
 ret volente, ista cõtradicẽte, sed gratia Dei cooperãte,
 & naturæ vim faciente, linguã apposuit, & promusci-
 dẽ elephantinã linxit. Mira res, mox de naribus eius,
 qui leprosus videbatur, gemma pretiosissima lapsa est
 in os Episcopi, & vt ostēderet se esse CHRISTVM,
 qui ad probandã Episcopi virtutẽ se finxerat leprosu-
 m, in oculis eius gloriosè cœlos ascendit, & quia eiusdem
 glorię particeps futurus esset Episcopus, ascendês re-
 promisit. Dñs Geuardus Abbas noster, rediês de capi-
 tulo generali, hæc nobis retulit, asserês tunc recenret
 fuisse gesta. A P O L. Quid est gratia cooperans? C A S.
 Duplex est gratia Dei, operans, per quam Episcopus

tantum bonum voluit: cooperās, per quam illud pete-
fecit. Poterat antistes iste venerabilis meritò dicere
Gen. 12. cum sancto Iacob patriarcha: Vidi Dominum facie
ad faciem, & salua facta est anima mea. APOLLONIVS:
Magna sunt quæ dicis. CÆSARIVS: Vt autem non so-
Matt. 18 lum in ore duorum, sed & trium testium, stet omne
verbum, addam tertiam visionem duabus his non im-
parem, sed fortè iudicio tuo propter opus maiorem.

CAPVT XXXIII.

IN Salzburgensi ecclesia iam à multo tempore re-
ligiosi extiterunt episcopi, ex quibus vnus, nescio
vtrum huius, qui nunc est, siue eius, qui ante eum
fuit, prædecessor, infirmorum seu leproforum lætes
studiosè etiam quandoque per semetipsum visitauit.
Die quadam tuguriolum quoddam intrans, & lepro-
sum, vt ei visum est, hominem in ea lecto decubantē
ac gementem reperiēs, si aliquid vellet exquisiuit. Cui
cum ille responderet: Corpus CHRISTI desidero
episcopus festinus abiit, & attulit, ori que leprosi, qui
valde horridus videbatur, cum cautela qua potuit im-
misit. Ille verò ad cōprobendam antistitis fidem, an-
tequam masticasset eucharistiam, nauseam simulauit,
& cum sœtidissimo vomitu quod sumperat reiecit.
Episcopus verò territus, manibus mento eius suppositis,
eiectas recepit immūditias, quas statim in os mit-
tens sumpsit, ob honorem sacramenti. Postea cum
eundem leprosum visitare vellet, & non inueniret, di-
ctum est ei à circummanētibus, quòd multo tempore
in eadem domuncula nullus habitasset leprosus. Et
cognouit vir Deo plenus, tum ex testimonio referen-
tium, tum ex gratia ex prædicta sumptione percepta,
quia CHRISTVS esset, qui multis modis electo-
rum suorum constantiam probare conuevit. Hac
dicta sunt de Christi persona. Porro de illius resurre-
ctione atque ascensione nullas intellexi visiones re-
latu dignas, nisi hanc solam, si tamen visio dici potest.